

ATIA NO TA MIRA MOTIBU AINDA PA POSPONE KARNAVAL

ORANJESTAD (APA).- Go-
biernu a pidi pa motibun
humanitario studia e
posibilidat pa posponé
Karnaval pa un otro fecha.

Esaki a keda rechasá pa un
gran mayoria di grupo i
musikonan ku ta hasi
Karnaval.

Relashoná ku e proposi-
shon di gobiernu, nos a
puntra ATIA su komentario.
Hans Schnog a bisa ku e tin
kompleto kompreshon pa
ku e pensamentu humanita-
rio di gobiernu, unda den un
guera hopi hende lo muri.

Pero kuantu hende no ta
muri den mesun temporada
di aña, sin tin guerra.

Tempu di guerra na Viet-
nam, Karnaval no a ser
posponé, siendo ku tin hopi
hende a perde nan bida den
e guerra ei. Dia ku Rusia a
invadí Afganistan tambe
hopi hende a muri.

Awor si gobiernu ta
pensa ku debí na situashon
di guerra, mester evita huida
di divisas, anto ya ta lat.

Hopi hende a biaha pa
kumpra nan materialnan
den eksterior kaba.
Mientras ku kasnan komer-
sial por ehempel di serbes
ya a ordu nan konteinernan

di bebida kaba i asina por
sigui menshoná e diferente
kompromisonan hasi.

Hans Schnog ta kere ku
no por papia asi no mas pa
pospone Karnaval, pero lo
ta bon pa sigui e
desaroyonan di aserka. Si
enberdat un eventual guerra
eskala na mayor eskala,
anto ku esaki tin efektonan
direktor riba nos situashon
ekonomiko, anto sigur ta na
su luga un posponementu.

Si e presidente di ATIA
ta kere ku lo ta bon pa
pensa ku bista riba industria
turistika, pa organisa un ak-
tividat mei mei di aña, pa
atrae mas turista na Aruba,
ounke hopi tempu kana nos
no konose off season mas
na Aruba.

Ta konosi ku AHATA a
pone 100 mil florin dis-
ponibel pa organisa un tipo
di Karnaval mei mei di aña i
ATIA ta sostene e proposi-
shon aki i ohala esnan
responsabel pensa riba
esaki.